

閑閑老人滢水文集

四



閑閑老人滄水文集卷第八

絕句

春遊四首

其一

草荒一徑抱村斜
日暮初歸拜掃車
猶有饑鴉來攫肉
覘人飛下杜梨花

其二

無數飛花送小舟
蜻蜓款立釣絲頭
一溪春水關何事
皺作風前萬疊愁

其三

樹藏修竹竹藏門門外清流幾股分行過小橋人不見背陰花氣隔牆聞

其四

烟外絲絲風柳斜春光也自到天涯太平有象村村酒寒食無家寥寥花

題扇頭

文書勾引黑甜鄉倦枕拋書午夢長夢裏甚教驚雨電覺來窓隙有斜陽

平湖戲鴨圖

平湖飛下鴈雙紋翻動江南水底雲盡日自來還
自去塵埃滿眼不如君

暮歸

貪看孤鳥入重雲不覺青林雨氣昏行過斷橋沙
路黑忽從電影得前村

正覺院

齋時一鉢僧上堂履聲如水度秋窓爍陽滿地槐
陰薄幽鳥飛來施食幢

登嵩頂

危躡嵩山頂上來五髯龍對八仙臺不知眼界濶
多少直盡黃河一曲迴

少林

只麼西來坐面牆更無一法付神光少林自有吹
毛物三十六峯如劍鋸

石樓

月約風期屢往還水聲山色石樓間大家也入香
山去那得心知白傳閑

嵩山道中 二首

為愛青山懶著鞭
吟詩時作鶴頭偏
驀然得句驚飛鳥
撲簌岩花墮馬前

又

屋頭山色靜無埃
竹裏柴門水際開
驚怪籬中犬迎吠
有人知自碧嵩來

題南城樓

樓上遙看郊外村
不須騎馬坐平分
人家應在青山外
時有歸牛下白雲

香岩寺壁

一夕秋風變素商
蕭蕭雲物換新涼
片雲不作前溪雨
飛過高城有底忙

題扇頭

魏三句裏數聲櫓
秦七詞中萬點鴉
好在團團明月底
一彎流水幾人家

三學院對月

何年覲佛月
天子各以寶
花樓閣俱為問
上方銀
世界不知有此夜
寒無

清居寺五杉亭觀子野留題

五杉亭下只三株曾是詩人歎息餘
君去我來杉尚在斷腸君沒見君詩

回春谷

冰崖雪柱道人家谷傍回春事已夸
却恐陽和在泉底未春先發忍冬花

祕魔岩

鐵鎖關藏五百龍文殊遊戲作神通
山僧要辨金剛眼莫謂魚蝦在此中

登萬聖閣

中州之山臺山高遍尋五頂無乃勞老去看山無
脚力直憑一閣了秋毫

馬尾

天外亂山圍曠野水邊孤塔背層城馬頭才指桑
乾路愁見行人問去程

趙橋

天垂曠野初疑合地轉深崑忽似窮偶向高崖聞
笑語寒春一帶夕陽中

鷄鳴山

烟蒸山腹晴猶濕
河帶冰漸暖漸流
獨上鷄鳴看
出日五雲多處是皇州

盧溝

河分橋柱如瓜蔓
路入都門似犬牙
落日盧溝溝
上柳送人幾度出京華

漁陽道中

盤山曾借上方眠
落月蒼蒼響石泉
夜半峯頭聽
鳴鹿半崖松子落堦前

達北京

小車日日碾征塵卧即看書坐久伸
露宿風餐二千里青山無處不隨人

龍山恠松

自笑書生骨相窮倒騎驢看兩山
峯天東稍喜無碑讀踏雪還來看
恠松

東京見梅

二月天東凍未蘇梅花市骨也清癯
一枝萼綠來千里為問東君管得無

遼東

幾家籬落枕江邊
樹外秋明水底天
日暮沙禽忽驚起
一痕冲破浪花圓

北都雪望

千山雪盡出樵車
一逕雲移去似蛇
小屋平頭墻落裏
炊烟起處是人家

北都小雪

邊城小雪試年華
烟冷貔貅十萬家
探使不來人半醉
將軍羶帳卓平沙

襲香亭 二首

小橋虹影截波光
面面荷花鏡裡粧
風月要知無盡藏
一亭分作兩亭香

又

黃堂公退吏人稀
露下西溪鶴未知
一榻清香無着處
曉風殘月獨來時

錦波亭

柳影移書步晚涼
清溪放閘水泱泱
胷中經緯天機錦
閑却小亭風露香

雨晴二首

東風時送瓦溝聲
欹枕幽窓夢自驚
睡起不知雲已散
夕陽偏向柳梢明

又

一抹平林媚夕暉
山煙漠漠燕飛飛
倚欄遙認天邊電
何處行人帶雨歸

靈感寺二首

斜廊深院斷人行
雪聚松中立鳥清
僧臘數殘門乍啟
驚飛碎語獨含情

又

青青隱隱入烟微
一日看山坐水涯
何事晚來風
截斷偶看白鳥過林時

鷄鳴下橋

兩山相對翠幃開
下水中流礙石迴
橋北橋南路
分處紅塵一騎日邊來

和舜元雜詩

二首

瘦馬龍鍾兩鬢華
敲門避雨野人家
雨催葉落猶
懸路十里晚風吹斷霞

又

三五殘星闕角東
淡黃楊柳月明中
貪看稚子收殘葉
駐馬天街湍袖風

聖安小集

松軒却扇風仍好
苔徑無花雨亦香
門外市聲塵午枕
老僧元不下禪床

和子約辛春

唐虞禮樂歲元新
齊魯中書有大臣
泰和三年調玉燭
衣冠萬國拜王春

二青圖

大青天驥之雲仍小青八尺猶龍騰三十年来無
汗馬不將遺像鑄興陵

古北口

幾家墟落兵戈外數畝荒田谷澗中日暮圍場來
野鹿令人長憶筆頭公

撫州 二首

蕭寺金風動剎竿西城北斗挂闌干一虫不响夜
更靜片月未高山已寒